

漢魏六朝百三家集

魏 十二人

第五
第二十册

王侍中集

壽考堂藏板

王仲宣集題辭

袁顯思兄弟爭國王仲宣爲劉荊州

遺書苦諫今讀其文非獨詞章縱橫

其言誠仁人也昔穎考叔一言能感

鄭莊使母子如初仲宣二書疾呼泣

血無救閹牆袁氏將喪頑子執兵卽

蘇張復生何益哉子桓子建交怨若
仇仲宣婉變其間耦俱無猜身沒之
後太子臨喪陳思作誄素旗表德頌
言不忘彼固善處人骨肉亦繇其天
性宿深長於感激不但和光宴詠爲
兩公子樓護也孟德陰賊喜殺賢士

仲宣詠史託諷黃鳥披文下涕幾秦
風矣高平上冑世爲漢公遭時流離
依徙荆許以七哀之悲爲顯廟之頌
擇木而窮雅誹見志世謂其詩出李
陵今觀書命亦相近也

婁東張溥題

王侍中集目錄

賦

遊海賦

登樓賦

浮淮賦

初征賦

羽獵賦

思友賦

傷天賦

出婦賦

寡婦賦

神女賦

閑邪賦

大暑賦

酒賦

馬瑙勒賦

車渠椀賦

迷迭賦

柳賦

槐賦

白鶴賦

鸚鵡賦

鵲賦

鶯賦

書

爲劉荊州與袁譚書

爲劉荊州與袁尚書

檄

爲荀彧與孫權檄

七

七釋

記

荊州文學記

論

務本論

三輔論

難鍾旬太平論

儒吏論

爵論

又

安身論

務本論畧

儒吏論畧

連珠

連珠四首

贊

正考父贊

反金人贊

銘

刀銘

有序

硯銘

蕤賓鐘銘

無射鐘銘

鐘簋銘

太平鐘

祭文

弔夷齊文

樂府

太廟頌三首

俞兒舞歌四首

矛俞新福歌

弩俞新福歌

安臺新福歌

行辭新福歌

詩

贈蔡子篤

贈士孫文始

贈文叔良

思親詩

襍詩

襍詩四首

七哀詩三首

詠史詩

公讌詩

從軍詩五首

附錄

本傳

王侍中集目錄

主侍中集卷全

魏山陽王粲仲宣著

其土賦賦周平其明太倉張溥天如閼黃金

賦

遊海賦

乘茵桂之芳舟。浮大江而遙逝。翼驚風而長驅。

集會稽而一睨。登陰隅以東望。覽滄海之體勢。

吐星出日。天與水際。其深不測。其廣無臬。尋之

冥地。不見涯洩。章亥所不極。盧敖所不屆。懷珍

藏寶。神隱恠匿。或無氣而能行。或含血而不食。
或有葉而無根。或能飛而無翼。鳥則爰居孔鵠。
翡翠鸕鶿。繽紛往來。沈浮翱翔。魚則橫尾曲頭。
方目偃頤。大者若山陵。小者重鈞石。乃有賁蛟。
大貝。明月夜光。螭鼈璚琨。金質黑章。若夫長洲。
別島。旗布星峙。高或萬尋。近或千里。桂林藂乎。
其上。珊瑚周乎其趾。羣犀代角。巨象解齒。黃金。
碧玉。名不可紀。洪洪洋洋。誠不可度也。處嵎夷。
之正位兮。同色號於穹蒼。包納汚之弘量。正宗。

廟之紀綱。總衆流而臣下。爲百谷之君王。

登樓賦

登茲樓以四望兮。聊暇日以銷憂。覺斯宇之所處兮。實顯敞而寡仇。挾清漳之通浦兮。倚曲沮之長洲。背墳衍之廣陸兮。臨臯隰之沃流。北彌陶牧。西接昭丘。華實蔽野。黍稷盈疇。雖信美而非吾土兮。曾何足以少留。遭紛濁而遷逝兮。漫踰紀以迄今。情眷眷而懷歸兮。孰憂思之可任。憑軒檻以遙望兮。向北風而開襟。平原遠而極